



ISTANBUL

21.10.2021. - 27.10.2021.



PROGRAM PUTOVANJA:

1. DAN 21.10.2021. (Četvrtak) BiH – SRBIJA – BUGARSKA

Polazak grupe iz Lukavca (Tc Belamionix) u 13:30H, Tuzle 14:00H (Hotel Tuzla)
Vožnja turističkim autobusom kroz Srbiju i Bugarsku uz kraće pauze po potrebi grupe.
Noćna vožnja.

2. DAN 22.10.2021. (Petak) ISTANBUL

Ulazak na teritoriju Republike Turske u jutarnjim satima te posjeta najzapadnijem turskom gradu *Edirne*, šarmantnom pitoresknom mjestu bogate povijesti i arhitekture.

Ova druga po redu osmanska prijestolnica bila je tokom stoljeća u rukama mnogih naroda, no i dalje je važan politički i ekonomski centar. U gradu se nalaze brojne džamije od kojih su najpoznatije one u „zlatnom trokutu“: džamija Selimija (UNESCO) koju je u 16. st. podigao veliki turski graditelj Mimar Sinan po narudžbi Selima II, sina i nasljednika Sulejmana Veličanstvenog, džamija s najvišim munarama u Turskoj (druga u Svijetu) sa svojih 70,9 m; džamija Üç Şerefeli sa svoje četiri osebujne munare različitog dizajna; Eski džamija, najmanja i najstarija džamija poznata po kaligrafskim natpisima na unutarnjim zidovima. Od ostalih znamenitosti tu su Semiz Ali Pasha Bazaar kojeg je također izgradio Sinan, Sultanov most preko rijeke Tundže i dr. Nastavak putovanja prema Istanbulu te dolazak u Istanbul u poslijepodnevnom satima. Smještaj u hotel. Slobodno vrijeme za individualne aktivnosti.

Noćenje.

3. DAN 23.10.2021. (Subota) ISTANBUL

Doručak. Nakon doručka obilazak starog dijela grada : *Aja Sofija, Plava džamija i palata Topkapi*. Obilazak *Aja Sofije ili Crkve svete mudrosti*, jednog od najmonumentalnijih hramova ikada izgrađenih u svijetu, nemjerljive arhitektonske i umjetničke vrijednosti.

Podignuta je za nepunih šest godina (532-537) u doba cara Justinijana; pretvorena je u džamiju po zauzimanju Carigrada od strane Turaka (1453) po nalogu sultana Mehmeda II Osvajača, kada su joj dodane četiri munare. Postala je muzej 1935. godine. Obilazak *džamije sultana Ahmeta III*, građene na mjestu palate cara Konstantina od 1609. do 1616. godine, poznate kao *Plava džamija* zbog jedinstvene unutrašnje dekoracije – oko 20.000 keramičkih pločica sa motivom cvijeta lale u pedesetak varijanti ; to je jedina džamija u islamskom svijetu – pored džamije u Meki – sa šest munara. Posjeta palati Topkapi sa nekoliko stotina prostorija, izgrađenoj na jednom od sedam istanbulskih brežuljaka. Iz ove palate sa očaravajućim pogledom na *Zlatni rog, Bosfor i Mramorno more*, turski sultani su od 1465. gotovo četiri vijeka, upravljali ogromnim Otomanskim carstvom. Topkapi je pretvoren u muzej sa bogatim kolekcijama nakita, oružja, odjeće i porcelana. Odlazak na *Kapali čaršiju*, trgovački centar sa preko 5000 radnji. Slobodno vrijeme za individualne aktivnosti. U večernjim satima mogućnost organizovanja fakultativnog odlaska na *Tursko veče* – večera u nacionalnom restoranu sa trbušnim plesom. Noćenje.



4. DAN 24.10.2021. (Nedjelja) ISTANBUL

Doručak. Slobodno vrijeme ili mogućnost organizovanja fakultativnog izleta – *krstarenje Bosforom* između dva kontinenta (*razgledanje grada sa Bosfora: Zlatni Rog – najljepši dio Istanbula, Galata most i Galata kula, Džamija Selimija, Dolmabahče palata – posljednje sjedište sultana, Beşiktaš, Ortakoj kvart, Rumeli hisar – čuvena vizantijska tvrđava, Jedi kule (sedam kula), Djevojačka kula...*). Mogućnost organizovanja fakultativnog obilaska *Dolmabahče palate*. Izgrađena kraj Bosfora sredinom 19. vijeka, u kombinaciji baroka, rokoka i turskog imperijalnog stila, palata Dolmabahče je bila zvanična rezidencija sultana, sa kraćim prekidima, od 1853 do 1922. godine. Okružena prekrasnim vrtom, ima 285 soba, 43 salona, šest hamama i raskošan enterijer sa oko 600 umjetničkih slika. Iz nje je u izgnanstvo otišao posljednji otomanski sultan Mehmed VI (1922); u njoj se okončao život oca turske nacije Mustafe Kemala Atatürka (1881- 1938). Slobodno vrijeme za individualne aktivnosti.

Noćenje.

5. DAN 25.10.2021. (Ponedjeljak) ISTANBUL – BURSA - ISTANBUL

Doručak. Ujutro polazimo autobusom prema *Bursi*. Po dolasku dolazimo do centra.

Bursa je bila glavni grad u Osmanskom carstvu između 1335. – 1363. godine. Zovu je još i zelena Bursa, zbog mnoštvo parkova i vrtova. Iznad grada se nazire i planina Uludag na koju možete stići direktno iz grada sa 8,8 km dugom gondolom. Mi ćemo prošetati do Ulu džamije, Zelene džamiji i Zelenom turbetu (mauzolej). Slobodno vrijeme te povratak u Istanbul. Noćenje.

6. DAN 26.10.2021. (Utorak) ISTANBUL - BiH

Doručak. Slobodno vrijeme ili Fakultativno izlet *Miniaturk, Eyup i vidikovac Piere Lotti*.

Odlazimo do brežuljka *Pierre Loti* do čijeg vrha dolazimo žičarom. Slobodno vrijeme za odmor u legendarnoj starinskoj kafani iz koje se proteže prekrasan pogled na Zlatni rog i grad. Nakon pauze spuštamo se niz brežuljak kroz islamsko groblje. Na koncu stižemo do *Eyüpa*, za muslimane najsvetijeg mjesta u Istanbulu. Razgled džamije. Nastavljamo do »*Turske u malom*« – *do Miniaturka*, gdje su izgrađene najvažnije zgrade Turske i bivšeg Osmanskog Carstva.

U poslijepodnevrim satima polazak za BiH. Noćna vožnja kroz Bugarsku prema BiH.

7. DAN 27.10.2021. (Srijeda) BiH

Dolazak na odredište u podnevnim satima.

CIJENA ARANŽMANA: 259KM

Mogućnost plaćanja aranžmana na rate!

Posebni popusti za grupe putnika!

Cijena uključuje:

- Prevoz turističkim autobusom prema programu putovanja
- Smještaj na bazi 4 noćenja sa doručkom u hotelu sa 3* u starom dijelu Istanbula Laleli/Aksaray
- Boravišne takse
- Pratioc grupe sa poznavanjem Turskog jezika (Bachleor Turskog jezika)
- Usluge stručnog pratioca grupe tokom putovanja i boravka u Istanbulu
- Kompletna organizacija putovanja

Cijena ne uključuje:

- Obavezno putničko-zdravstveno osiguranje
- Fakultativne izlete i ulaznice planirane programom putovanja
 - a) Obilazak Taksima – 10 EUR
 - b) Krstarenje Bosforom – 25 EUR
 - c) Posjeta Dolmabahce dvorcu – 30 EUR
 - d) Tursko veče sa večerom i trbušnim plesom – 35 EUR
 - e) Miniaturk, Eyub džamija i Pierre Lotti – 25 EUR
 - f) Izlet u Bursu – 30 EUR
- Dodatno sjedište u autobusu 120,00 KM
- Dopлата za jednokrevetnu sobu – na upit

NAPOMENE:

1. Cijena aranžmana je kalkulirana na bazi 40 putnika. Ukoliko bude manje prijavljenih putnika možemo realizovati putovanje uz prethodni dogovor sa putnicima oko korekcije cijene.
2. Za realizaciju fakultativnih izleta potrebno je minimalno 25 prijavljenih putnika.
3. Organizator putovanja zadržava pravo promjene termina izvođenja izleta.

REZERVACIJA PUTOVANJA: Prilikom rezervacije putovanja potrebno je dostaviti kopiju pasoša te uplatiti avans u iznosu od 30% od ukupne cijene aranžmana.

Redoslijed sjedenja u autobusu se pravi prema datumu prijave.

Putnici na ovom putovanju obavezni su imati biometrijski pasoš sa datumom važenja minimum 3 mjeseca od planiranog dana povratka sa putovanja.

Kalkulacija je rađena na bazi minimum 40 putnika.

Sa uplatom akontacije putnik prihvata Opće uslove putovanja.

Agencija zadržava pravo promjene rasporeda fakultativnih posjeta usljed nepredviđenih okolnosti.